

DEO OPT. MAX. VNI ET TRINO, VIRGINI DEIPARÆ, ET SANCTO LVCÆ  
ORTHODOXORVM MEDICORVM PATRONO.

Q V Æ S T I O M E D I C A.  
CARDINALITIIS DISPUTATIONIBVS MANE DISCVTIENDA  
IN SCHOLIS MEDICORVM, DIE IOVIS XII. MARTII,  
M. RENATO MOREAV. Doctore Medico, & Professore regio, Præside.

*An in longorum morborum āmorā, ciborum varietas?*

1025

VNO non constamus nec nutrimur elemento, tamq; sunt inepti ad alendum corpus odores, quam æraut aqua. alimentum omne ex animatorum genere est, atque adeo mistum & de-  
ptissimum habetur quod suauissimum. cibus cum voluptate sumptus desiderio trahitur in ventriculum patulā expectatione rapientem, à quo animosè exceptus & comprehensus, faci-  
lius deinde ac felicius concoquitur. quicquid orbe terrarum sapidum est, cedit in escam hominibus, quibus licitum gustus elementa per omnia quærere, æquumque fuit palato quæ

PÆCIPVA curandorum morborum ratio est in cibo, quo nisi sustineantur vires corporis, irrita omnis medendi cogitatio: optimum Cardiacorum & *καρδιακόν*, ut sit medicamentum in  
alimento, & alimentum in medicamento. victus lex in acutis alia quam in longis morbis: in illis ubi virium & plenitudinis immunitio quæritur, simplex, *καθαρὰ*, tenuis, potilis ac faci-  
lè resiliabilis: in his cum corporandi & corroborandi consilium est, varia, commutabilis, multiplex, iucunda, liberalis, solida. quò longius trahuntur morbi, à tenui & exquisitā viuendi  
regulā recedendum ad liberio rem & ciborum varietate pollucibilem. Grauiora sunt in tenui quam in paulò pleniore victu delicta, deteriorque cibus ac iucundior nonnunquam meliori  
& insipido præferendus.

GRAVISSIMVM symptomā in longis morbis, *σύνεισ ἀπορροή*, quæ & *ἀπορροή* & *ἀπορροία* dicitur, exitiale malum, cum sinceræ deiectiones vnā adsunt: immane quantum sæpe effe-  
rum existat, ut ægri malint flagris excipi aut exui vitā, quam apposita gustare: quippè torpet *ἡσυχία*, laudatissima quæque sapiunt malè, deleta omnis alimentorum quondam dele-  
tantium recordatio: tanta impuritas nutritioni partes consecrātas inficit, tamque ferrox obsideri temperies, ut suctus sensusque omnis venarum & neruorum penè emoriatur: plus in  
cibo assumendo molestiæ ægri ponunt, quam in ipso morbo. Interim humor primigenius nullo aut minimo succo alibili reparatus laborat ab exhausto, contabescit corpus dissipatā eius tri-  
plici substantiā, languent omnes facultates *ἐνσπόμεναι*, caloris viuifici eiusdem cum igneo originis destitutæ: sanguis ipse tandem in venis *πύρρην* conclamati frigoris argumentum.

CVM præsidia non proficiunt reuocandæ appetentiæ, salus omnis in cibo vltimā vitæ anchorā: qui quotidie offertur & opponitur morbo tam ingratus ægris grauis & odiosus, ut nisi mille  
lenociniis & condimentis adulteretur, fastidium & vomitus pariat. fluctuant in ventriculo iuscula & vomuntur: oua & elixæ carnes instar terræ sapiunt, ori apposita expuuntur: audito  
alimenti nomine non secus quam ad serpentis aspectum corpus inhorrescit: Tām iniucunda palato omnia, tām profligatum edendi desiderium, ut optabilius sit mortis quam vorandi  
cibi hora. Consumpta, expressa, destillata carniū, ægrorum dispendio potius quam solatio exhiberi solita, decoctā in gelu, duratā in glaciem, leucophaga & lactæ puliculæ, fructuum  
cerealium cremores, nequidem sine nausæa oculis sustineri possunt.

TAM periculoso fastidio quærendus cibus qui & commento varietatis delectet, & condimento irriter famem, cum liquida non placent, solida offerantur: cum elixæ nauscam mouent, af-  
fa ut succulentiora proponantur. mutantur quotidie fercula, cœna sit dubia & dapilis, epulum adiciiale, missus varij, in struicibus patinariis nonnihil hinc & inde deliberet, ex quo gra-  
ta superueniat quæ non sperabitur esca. profuerit miscere assa elixis, aues piscibus, olera carnibus: horæ fructus aciduli, acerbi, dulces apponantur. gratissima in prostrato appetitu ci-  
borum varietas, nec ita sanis noxia quæ intra rationis & moderationis terminos consistit. Nisi redeat appetitus, irriteretur salis, amaris, acris, acidis, piperatis, aromaticis conditis.  
cū simplices & vniuersi cibi palato displicebunt, aliquid in diuersorum eduliorum lautiori apparatu inuenietur quod ardebit, & sopitum cibi desiderium excitabit.

*Ergo in longorum morborum āmorā ciborum varietas.*

Proponebat Lutetiæ CLAVDIVS QVARTIER, Parisinus. A. R. S. H. M. DC. LIV.

F.M.P.  
BIBLIOTHECA

by